

**DEVETI SASTANAK PODODBORA SSP-a IZMEĐU EU I BOSNE I
HERCEGOVINE**

ZA INOVACIJE, INFORMACIJSKO DRUŠTVO I SOCIJALNU POLITIKU

Sarajevo, 22. oktobar 2025. godine

FINALNE PREPORUKE

1. INFORMACIJSKO DRUŠTVO I MEDIJI

1. Odrediti državna nadležna tijela, jedinstvenu kontakt tačku i Tim za odgovor na kompjuterske sigurnosne incidente (CSIRT) za zadatke koji se tiču sigurnosti mreža (4. kvartal 2026.).
2. Izvršiti usklađivanje s Direktivom EU o sigurnosti mrežnih i informacijskih sistema (Direktiva 2016/1148) i usvojiti cjelodržavnu strategiju o informatičkoj sigurnosti (4. kvartal 2026.).
3. Bez daljeg odlaganja usvojiti Zakon o elektronskoj identifikaciji i uslugama povjerenja za elektronske transakcije u skladu s *acquisem*. I dalje ostaje preporuka EK da treba uspostaviti jedinstveno nadzorno tijelo za cijelu zemlju. (2. kvartal 2026.).
4. Poduzeti daljnje korake ka usvajanju novih zakona o elektronskim komunikacijama i elektronskim medijima u skladu s *acquisem*, te zakonodavstva o transparentnosti vlasništva nad medijima (4. kvartal 2026.).
5. Osigurati punu finansijsku i političku nezavisnost Regulatorne agencije za komunikacije BiH (4. kvartal 2026.).
6. Uvesti broj za hitne slučajeve 112 u cijeloj zemlji (1. kvartal 2026.).
7. Finalizirati prelazak na digitalno emitovanje bez daljeg odlaganja (4. kvartal 2026.).
8. Usvojiti okvirnu strategiju za pristup širokopojasnoj mreži (4. kvartal 2026.).
9. Bez daljeg odlaganja osigurati finansijsku održivost Javnog RTV sistema, posebno usvajanjem i primjenom odgovarajućeg modela naplate naknade (1. kvartal 2026.), te osigurati političku neutralnost i nezavisnost upravnih odbora javnih emitera.
10. Hitno uspostaviti Korporaciju javnih RTV servisa kao zajedničko tijelo za sva tri javna emitera kako je predviđeno zakonom (4. kvartal 2026.).

2. SOCIJALNA POLITIKA I ZAPOSŁJAVANJE

11. EU snažno ohrabruje BiH da usvoji cjelodržavnu strategiju zapošljavanja i ojača mehanizam koordinacije u pogledu politika zapošljavanja. (1. kvartal 2026.).
12. Usvojiti Plan provedbe Garancije za mlade u skladu sa modelom i smjernicama EU (1. kvartal 2026.).
13. Dalje jačati kapacitete javnih službi za zapošljavanje, omogućavajući nastavak učinkovitog prelaza na podršku nezaposlenim tražiocima posla orijentisanu prema klijentu. (kontinuirano).
14. Završiti proces rasterećenja javnih službi za zapošljavanje od administrativnih zadataka koji se tiču zdravstvenog osiguranja i drugih socijalnih davanja za registrovane nezaposlene, tamo gdje to nije učinjeno. FBiH treba da pokrene ovaj proces kako bi ostvarila napredak (2. kvartal 2026.).
15. Poboljšati postupke praćenja i evaluacije mjera na tržištu rada, razviti sistem(e) za praćenje i predviđanje potreba za vještinama na tržištu rada (2. kvartal 2026.) i dostaviti izvještaj o statusu realizacije (3. kvartal 2026.).
16. Preduzeti dalje mjere za smanjenje neformalnog zapošljavanja, kao i za razvijanje adekvatnih okvira za omogućavanje prelaska na formalno zapošljavanje. (kontinuirano).
17. Raditi sa socijalnim partnerima na unapređenju i osiguranju efikasnog socijalnog dijaloga u cijeloj zemlji, posebno po pitanjima zapošljavanja i obuke. (kontinuirano).
18. BiH treba početi pripreme za postepeno ukidanje zahtijeva za radne dozvole za građane EU koji traže zaposlenje u Bosni i Hercegovini.
19. Povećati pokrivenost naknada za nezaposlenost i socijalna davanja na osnovu potreba, mapirati nedoprinosna socijalna davanja u cijeloj zemlji i uspostaviti ravnotežu unutar sistema socijalne pomoći koji bi bio zasnovan na potrebama, a ne na statusu, čime bi se povećala adekvatnost i pokrivenost ovih davanja. (kontinuirano).
20. Izvijestiti o planovima za provedbu Smjernica EK o nezavisnom životu i uključivanju osoba s invaliditetom u zajednicu u kontekstu finansiranja iz EU. (3. kvartal 2026.).
21. Sklapati nove bilateralne sporazume o socijalnom osiguranju s državama članicama EU.
22. Pripremiti analizu razlika (gap analysis) i plan usklađivanja sa Direktivom o ravnopravnosti u zapošljavanju i Direktivom o rasnoj jednakosti (2000/43/EZ) u okviru Zakona o zabrani diskriminacije (2. kvartal 2026.).
23. EU snažno podstiče BiH da radi na osiguranju provedbe standarda ravnopravnosti polova u zemlji. (kontinuirano).
24. Uvesti jedinstveni minimalni nivo naknada za porodiljni dopust i zaštitu u cijeloj zemlji, počevši od usklađivanja definicija porodiljnog, očinskog i roditeljskog dopusta. (2. kvartal 2026.).
25. Identifikovati razlike u platama između žena i muškaraca na istim pozicijama ("ista plata za isti rad") i raditi na smanjenju tih razlika, osiguravajući sveobuhvatne podatke o

razlikama u platama između spolova, te dati vremenski okvir za usklađivanje sa Direktivom o transparentnosti plata (EU) 2023/970 (3. kvartal 2026.).

26. BiH treba preduzeti dalje mjere za smanjenje rodno zasnovane diskriminacije i uznemiravanja na poslu, obezbjeđujući vremenski okvir za usklađivanje s preinačenom Direktivom 2006/54/EZ (3. kvartal 2026.).
27. Nastaviti rad na provedbi Akcionog plana za socijalnu uključenost Roma, uključujući i obaveze iz Poznanjske deklaracije. (kontinuirano).

3. OBRAZOVANJE I KULTURA

28. Provesti mjere na osnovu nalaza PISA 2018 i TIMSS 2019, te osigurati da cijela država sudjeluje u budućim testiranjima (ICILS 2028, ICCS 2027, PISA 2029, TALIS 2030). (2. kvartal 2026.)
29. Unaprijediti izvještavanje o cjelodržavnim statističkim podacima sukladno međunarodnim zahtjevima u pogledu obrazovanja.
30. Svi obrazovni organi u BiH, u saradnji s Ministarstvom civilnih poslova, trebaju osigurati jednak i nediskriminirajući pristup obrazovanju, te provesti preporuke koje proizlaze iz Plana politike iz 2020.
31. Poduzeti neophodne korake za smanjenje razlika između urbanih i ruralnih područja kada su u pitanju usluge ranog i predškolskoga odgoja i obrazovanja za djecu/porodice iz ranjivih grupa.
32. Dovršiti domaći zakonski i strateški okvir za predškolsko i srednje stručno obrazovanje, te obrazovanje odraslih (1. kvartal 2026.) kako bi se osigurala neophodna usklađenost propisa na državnom, entitetskom i kantonalnom nivou, kao i u Brčko distriktu.
33. Nastaviti saradnju s međunarodnim partnerima (EU, UNICEF, UNESCO, OSCE i Vijeće Evrope) kako bi svaka administrativna jedinica izradila dugoročne programe za unapređenje kvaliteta obrazovanja, što uključuje i izradu krovnog dokumenta na državnom nivou.
34. Osigurati potpuno funkcionalan sistem (re)akreditacije visokoškolskih ustanova i studijskih programa u cijeloj zemlji i ojačati saradnju između agencija za akreditaciju i drugih relevantnih aktera u BiH (1. kvartal 2026.).
35. Poduzeti aktivnosti u skladu sa saopćenjem sa ministarske konferencije država Evropskog prostora visokog obrazovanja u Tirani 2024. godine i izraditi mapu puta za rješavanje svih preostalih aktivnosti u provedbi obaveza iz Bolonjskog procesa. (2. kvartal 2026.). Nadalje, poduzeti daljnje korake kako bi se institucijama omogućilo da učestvuju u bliskoj transnacionalnoj saradnji, na primjer olakšavanjem automatskog priznavanja.
36. Osigurati uspostavu kvalifikacijskih i profesionalnih standarda za osnovne i digitalne kompetencije, u inicijalnom obrazovanju nastavnika, kao i kroz aktivnosti kontinuiranog profesionalnog razvoja nastavnika (4. kvartal 2026.).
37. Usvojiti kvalifikacioni okvir u BiH (2. kvartal 2026.).

38. Ažurirati cjelodržavni dokument o politici stručnog obrazovanja i osposobljavanja (VET) koji na snazi je od 2021. godine sukladno zaključcima iz Rige i obavezama preuzetim Hering Deklaracijom.
39. Nastaviti aktivnosti na priznavanju akademskih kvalifikacija, koje su pokrenute na regionalnom nivou putem RCC-a (3. kvartal 2026.).
40. Promovirati i pružati podršku većem učešću BiH u novom programskom periodu Erasmus + (2021-2027.).
41. Uspostaviti krovnu organizaciju Vijeća mladih na državnom nivou, koja će obuhvatiti tri postojeća vijeća mladih.
42. Poduzeti sve neophodne korake kako bi trajno riješio dugotrajni problem pravnog statusa i finansiranja sedam kulturnih institucija od značaja za BiH (1. kvartal 2026.).
43. U potpunosti iskoristiti program Kreativna Evropa i kontaktirati potencijalne aplikante i informirati ih o postojećim i predstojećim mogućnostima.
44. U cijelosti iskoristiti sve sinergije koje će proizići iz Reformske agende koju je BiH nedavno dostavila.

4. ISTRAŽIVANJE I INOVACIJE

45. Uspostaviti Istraživačku i obrazovnu mrežu za BiH (2. kvartal 2026.).
46. Poboljšati izvještavanje o najmanje 24 indikatora Evropske ljestvice uspjeha i ostvariti veći broj bodova na Evropskoj ljestvici uspjeha u inoviranju za 2026. godinu (4. kvartal 2025.).
47. Bolje promovirati različite programe podrške kako bi se povećale aktivnosti u oblasti inovacija u okviru Stupa III programa Horizon Europe (I kvartal 2026. godine).
48. Dovršiti i usvojiti Strategiju pametne specijalizacije u Bosni i Hercegovini (4. kvartal 2026.).
49. Dovršiti strategiju i akcioni plan za naučni razvoj za period 2023.-2028. (3. kvartal 2026.).
50. U cijelosti iskoristiti sve sinergije koje će proizići iz Reformske agende koju je BiH nedavno dostavila.